

Ākuanei tū ai tētahi wānanga nui ki Tāmaki Makaurau, arā, ko Toi Te Kupu: Whakaahuatanga



Ka tū tētahi wānanga toi hirahira, arā, ko [Toi Te Kupu: Whakaahuatanga](#), ki Tāmaki Makaurau ā, ka tū tēnei kaupapa hei te wā o Matariki. E 30 ngā kaikōrero nō te motu whānui ka haere mai ki te kōrero mō ngā tini kaupapa. Ka kitea ngā kaupapa ki te mahere hou nei: [programme](#).

Kei te ingoa anō te kaupapa o tēnei wānanga, arā, ko te *whakaahuatanga*. Kia whakaahua, kia whakataurite hoki. Ka tū hei te rehunga o Matariki, arā, ko te tau hou Māori. He mea whakahaere tēnei e Toi o Tāmaki: Auckland Art Gallery ki Te Pokapū | Aotea Centre. E rua rangi te roa o tēnei wānanga mahi toi Māori. Ka tū mai ā te 15 - 16 o Hune, 2022.

'Ka noho a Toi Te Kupu i raro i te korowai o Whakaahuatanga – Kia whāia te taurira o ngā tūpuna. I raro i tēnei, ko te whāinga, kia whai wāhi mō te ringatoi Māori, mō te kaiwhakaaro, mō ngā kaitiaki toi hoki kia rangona ai ō rātou reo ki te hapori', te kī a Pōhio, Senior Curator, Māori Art o Te Toi o Tāmaki. (Waitaha, Kāti Mamoe, Kāi Tahu, Ngāti Kahungunu, Kāti Pākehā)

'Ko te kaupapa o te wānanga nei, he whakakaha i te pīatatanga me te hōhonutanga o te mātauranga Māori e hāpai ana i ngā mahi toi Māori me ngā mahi toi o nāianei, otirā, ko te tukuhanga o ngā ringa toi ki ō rātou wāhi mahi toi, ki ā rātou rorohiko, ki ō rātou rūma mahi, ki ngā pā harakeke anō hoki kia mau ai te hono i waenganui i a rātou me te hapori. Kia rongohoki i te haumanutanga me te hiringa.'

Hei roto i ngā rangi e rua o te wānanga nei, ka kōrero a Ngāhūia te Awekōtuku (Te Arawa, Ngāi Tūhoe and Waikato) rāua ko Robert Jahnke (Ngāi Taharora, Te Whānau a Iritekura, Te Whānau a Rakairoa o Ngāti Porou).

Kei tua o ngā kōrero whakapuaki me ngā kōrero a te pae, he wā hoki kia whakarongo atu ki ēnei wānanga e rua nā Rānui Ngārimu (Ngāi Tahu, Ngāti Mutunga) rāua ko John Miller (Ngāpuhi, Ngaitewake-ki-Uta).

Hei muri i ngā kōrero whakapuaki o ngā rangi e rua, ka whai ko te kāhui kaikorero me ngā whakawhitinga kōrero, whakawhitinga whakaaro a Deidre Brown (Ngāpuhi, Ngāti Kahu), Ngarino Ellis (Ngāpuhi, Ngāti Porou), rātou ko, Natalie Robertson (Ngāti Porou, Clann Dhōnnchaidh), Moana Tipa (Kai Tahu, Kāti Mamoe, Ngāti Kahungunu), Kura Te Waru Rewiri (Ngāti Kahu, Ngāpuhi, Ngāti Kauwhata, Ngāti Rangī). Whakarongo hoki ki a Shannon Te Ao (Ngāti Tūwharetoa), Elisapeta Heta (Ngātiwai, Waikato Tainui), Nova Paul (Te Uriroroi, Te Parawhau, Te Māhurehure ki Whatitiri), Rachel Shearer (Rongowhakaata, Te Aitanga ā Māhaki, Pākehā) me ētahi atu.

Ko ngā heamana o Te Pae, ko Olivia Haddon (Ngāti Manuhiri, Ngātiwai, Ngāti Ruanui), ko Carla Ruka (Ngāti Whatua, Ngāpuhi, Ngāti Porouri), me Kereama Te Ua (Te Whakatōhea, Tūhoe, Te Whānau a Apanui, Tūwharetoa, Te Aitanga a Mahaki, Te Rarawa, Te Aupouri, Ngāti Pākehā).

Continues overleaf

He kai paramanawa kei ngā tīkiti. Ko reira hoki te kai o te rānui kei Te Pokapū | Aotea Centre. Hei te mutunga o te rangi tuatahi, e pōhiritia ana ngā hunga ki tētahi kaupapa 'Networking' ki Te Toi o Tāmaki. Hei reira ētahi inu me ētahi kai hei āwhina i ngā whakawhitinga kōrero. Ka whai wāhi hoki ki te uru atu ki [Declaration: A Pacific Feminist Agenda](#) hei muri i ngā hāora tūwhera.

Hei tā te Head of Kaupapa Māori, a Te Arepa Morehu, (Ngāti Whātua, Ngāpuhi) 'He aheinga nui tēnei e tuitui ai i ngā momo whakaaro onamata, kia āta tirohia ngā āhuatanga nui onāiane, kia toro hoki ki pitomata o āpōpō i a tātou ka neke whakamua ki te anamata.'

Hei tā Tākuta Valance Smith, (Ngāpuhi, Waikato, Ngāti Haina, Ngāti Pākehā), te heamana o Haerewa, 'Kei te puku o Toi Te Kupu: ngā ringatoi Māori, ā rātou mahi toi me ā rātou kōrero e kapo ake ana i te ngākau me te hinengaro o te tangata. Kia takamua ngā take, kia hiwa te tangata ki te hononga kei tua i ngā tūmomo whaiwhakaarotanga, kei tua hoki i ngā tirohanga ao.'

Ko te whāinga o *Toi Te Kupu: Whakaahuatanga*, he whakanui, he whakaatu hoki te mana whakaahuatanga o te mātauranga Māori mā roto i ngā mahi toi Māori, mā te waihangatia o te kaupapa whakaaturanga me ngā mahi auaha i te wā e whakakahangia ana te matapakanga o ngā ringa toi Māori me ngā āhuatanga e hirahira ana ki a rātou me ō rātou hapori i te rā nei. He wāhi e wātea ana hei tāpui mā te ringa toi me ngā rōpu ka arahina e te ringa toi hei tautoko ake i te huihui tahitanga me ngā kōrero motuhake o roto.

Kua whakaritea tēnei kaupapa *Toi Te Kupu: Whakaahuatanga* e Te Toi o Tāmaki me te tautoko a Māori Outcomes Fund nā Te Kaunihera o Tāmaki

Ngā taipitopito:

[Toi Te Kupu: Whakaahuatanga](#)

Āhea:

E rua rā: Wenerei te 15 o Pipiri ki te Taite te 16 o Pipiri 2022

Ki hea:

Te Pokapū | Aotea Centre
50 Mayoral Drive
Auckland CBD

Ngā tīkiti:

Tīkiti: \$335.00

Tīkiti taura: \$180.00

www.toitekupu.co.nz

For more information, high-res images
and interview requests contact:

Priscilla Southcombe
Communications Officer
Auckland Art Gallery Toi o Tāmaki

+64 21 548 480

priscilla.southcombe@aucklandartgallery.com

aucklandartgallery.com